

ՇՆՈՐՀԱՆԵՍ

ՆԵՐԿԱՅԱՅՎԵՑ ԳՅՈՒՂԱՏՆՏԵՍՈՒԹՅԱՆ ԶԱՐԳԱՅՄԱՆ 2017-2020 ԹՎԱԿԱՆՆԵՐԻ ՌԵԶՄԱՎԱՐՈՒԹՅՈՒՆԸ

ՆԱՅՈՒՆՅՈՒՄԸ ՆՈՅՄԱՆ ԶՆՆՈՒՄԸ 2017-2020 ՇՄՈՒՆԻ ՆՇՐԱԳՈՒՄԸ



Թբիլիսիի «Էքսպո Ջորջիա» ցուցասրահում, մարտի 16-ին, երկրի կառավարությունը ներկայացրեց գյուղատնտեսության զարգացման 2017-2020 թվականների ռազմավարությունը:

տեսության զարգացման ռազմավարության ծրագիրն ու գործունեության ծրագիրը ներկայացրեց գյուղատնտեսության նախարար Լևոն Դավիթյանը: Ռազմավարության շնորհանդեսի միջոցառմանը ելույթ ունեցան նաև Վրաստանում Եվրամիության դեսպան Յանոշ Դեմեյերը և Վրաստանում ՄԱԿ-ի զարգացման ծրագրի (UNDP) մշտական ներկայացուցիչ Նիլս Սկոտը:

(Շարունակությունը՝ 2-րդ էջում)

Ինչպես տեղեկացրել է գերատեսչության մամուլ ծառայությունը, ռազմավարությունը ներկայացնում է ոլորտի զարգացման համադրյալ հարցերը: Միջոցառումը, որին ներկա էր Վրաստանի վարչապետ Գիորգի Կվիրիկաշվիլին, գյուղատնտեսության

մանը ելույթ ունեցան նաև Վրաստանում Եվրամիության դեսպան Յանոշ Դեմեյերը և Վրաստանում ՄԱԿ-ի զարգացման ծրագրի (UNDP) մշտական ներկայացուցիչ Նիլս Սկոտը:

ԱՄԵՆ ԻՆՉ ԱՐՎՈՒՄ Է ԳՅՈՒՂԻ ԱՐԴԻՎԱՆԱՑՄԱՆ ՀԱՄԱՐ

Ելույթ ունենալով գյուղի զարգացման 2017-2020 թվականների ռազմավարության շնորհանդեսին, Վրաստանի վարչապետ Գիորգի Կվիրիկաշվիլին հայտարարեց, որ իշխանությունների կողմից ամեն ինչ արվում է գյուղի արդիականացման համար, այն հաշվով, որպեսզի նվազագույնի հասցվի քաղաքի ու գյուղի բնակիչների կենսամակարդակի տարբերությունը:

Վարչապետի պարզաբանմամբ, ռազմավարությունը, որը հենված է եվրոպական փորձի վրա, կանխագծում է գյուղի զարգացման հիմնական ուղղությունները: Նա շնորհակալություն հայտնեց միջազգային գործընկերներին, Եվրամիությանն ու ՄԱԿ-ի զարգացման ծրագրին, որոնց աջակցությամբ եւ օգնությամբ էլ կառավարությունը իրավասու դարձավ մշակելու վերոնշյալ ռազմավարությունը:



ԱՅՑ

ՎՐԱՍՏԱՆԻ ՆԱԽԱԳԱՐԸ՝ ԲԱՔՎԻ ՄԻՋԱԶԳԱՅԻՆ ԳԱԳԱԹԱԺՈՂՈՎՈՒՄ

Մարտի 16-17-ին Վրաստանի նախագահ Գիորգի Մարգվելաշվիլին մասնակցեց եւ ելույթ ունեցավ Բաքվի հինգերորդ գլոբալ գագաթաժողովում, որին մասնակցեցին նաև Լատվիայի, Սակեդինայի, Ալբանիայի, Մոնտենեգրոյի նախագահները:

Միջազգային գագաթաժողովի շրջանակներում Վրաստանի նախագահը հանդիպում ունեցավ Ադրբեյջանի նախագահ Իլհամ Ալիևի հետ: Համընկնումը Վրաստանի եւ Ադրբեյջանի նախագահները քննարկեցին երկկողմ հարաբե-

րությունների խորացման հետ առնչվող հարցեր: Ադրբեյջանի նախագահին առընթեր պետական կառավարման ակադեմիայում տեղի ունեցավ Գիորգի Մարգվելաշվիլին պատվավոր դոկտորի կոչում շնորհելու հանդիսավոր արարողությունը:

րությունների խորացման հետ առնչվող հարցեր: Ադրբեյջանի նախագահին առընթեր պետական կառավարման ակադեմիայում տեղի ունեցավ Գիորգի Մարգվելաշվիլին պատվավոր դոկտորի կոչում շնորհելու հանդիսավոր արարողությունը:

ԻՐԱՂԱՐՉՈՒԹՅՈՒՆ

ԱՆԿԱՐԳՈՒԹՅՈՒՆՆԵՐ ԲԱԹՈՒՄԻՈՒՄ

Մարտի 11-ին Բաթումիում պարեկային ոստիկանության աշխատակիցն ավտոմեքենայի վարորդին տուգանք է նշանակել ճանապարհային երթևեկության կանոնների խախտման համար: Ականատեսներից ոմանք պնդում են, որ ոստի-

կանը նաև վիրավորանք է հասցրել վարորդին: Վարորդին պաշտպանել են տեղացի բնակիչները, որոնք ծեծկռտոց են սարքել իրավապահներին:

(Շարունակությունը՝ 2-րդ էջում)

ԳԻՐԳԻ ԿՎԻՐԻԿԱՇՎԻԼԻ. «ՎՐԱՑԱԿԱՆ ՊԵՏՈՒԹՅՈՒՆԸ ՑՈՒՑԱԴՐԵՑ ԻՐ ՄԱՐԴԱՅԻՆ ԴԵՄՔԸ»

Մեկնաբանելով Բաթումիում ծավալված իրադարձությունները, Վրաստանի վարչապետ Գիորգի Կվիրիկաշվիլին հայտարարեց, որ վրացական պետությունը ցուցադրեց իր մարդկային դեմքը:

«Դա այն դեմքն է, որը մենք կառուցել ենք քայլ առ քայլ եւ դա այն փոփոխություններն են,

որոնք կատարվել են 2012 թվականի ընտրություններից հետո: Վրաստանը դարձավ պետու-

թյուն կողմնորոշված դեպի մարդը»,- ասաց Կվիրիկաշվիլին: Նրա խոսքով, այսօր Վրաստանում այնպիսի իշխանություն է, որը առաջնորդվում է բացար-

(Շարունակությունը՝ 2-րդ էջում)

ՀԱՅԱՍՏԱՆ

ՄԵՐԺ ՍԱՐԳՍՅԱՆԻ ՊԱՇՏՈՆԱԿԱՆ ԱՅՑԸ ՄՈՍԿՎԱ

Մարտի 14-15-ին, Հայաստանի նախագահ Սերժ Սարգսյանի գլխավորած պատվիրակությունը երկօրյա պաշտոնական այցով գտնվում էր Ռուսաստանի Դաշնությունում:



Հայաստանի նախագահի գլխավորած պատվիրակության կազմում էին Հայաստանի փոխվարչապետ, միջազգային ինտեգրման եւ բարեփոխումների նախարար Վաչե Գաբրիելյանը, պաշտպանության նախարար Վիգեն Սարգսյանը, արտաքին գործերի նախարար Էդվարդ Նալբանդյանը, տնտեսական զար-

գացման եւ ներդրումների նախարար Սուրեն Կարայանը, տրանսպորտի, կապի եւ տեղեկատվական տեխնոլոգիաների նախարար Վահան Մարտիրոսյանը, գյուղատնտեսության նախարար Իգնատի Առաքելյանը եւ պաշտոնատար այլ անձինք:

(Շարունակությունը՝ 7-րդ էջում)

ՎՐԱՍՏԱՆ-ՀԱՅԱՍՏԱՆ

ՎԻԳԵՆ ՍԱՐԳՍՅԱՆ. «ՀԱՅԱՍՏԱՆԻ ԵՎ ՎՐԱՍՏԱՆԻ ՀԱՐԱԲԵՐՈՒԹՅՈՒՆՆԵՐԸ ՊԵՏՔ Է ԿԱՌՈՒՅՎԵՆ ՀԻՆ ԵՎ ԵՂԲԱՅՐԱԿԱՆ ԿԱՊԵՐԻ ՎՐԱ»

Երևանում անցկացվեց միջազգային երկխոսության «Վաղայ» ակումբի արտագնա նիստը:



Նիստում ելույթ ունեցավ Հայաստանի պաշտպանության նախարար Վիգեն Սարգսյանը: Իր խոսքում, անդրադառնալով հայ-վրացական հարաբերություններին, ներկա մակարդակին եւ հեռանկարներին, նա հայտարարեց, որ Հայաստանը եւ Վրաստանը պետք է հարաբերությունները կառուցեն հիմնվելով հին եւ եղբայրական կապերի վրա: «Վրաստանի հետ Հայաստանը ջերմ ու բարեկամական հարաբերություններ ունի: Մենք Վրաս-

տանի հետ հարաբերություններ ունենում ենք եւ պետք է կառուցենք նկատի ունենալով երկու ազգերի հին եւ եղբայրական կապերը»,- ընդգծեց Վիգեն Սարգսյանը: Նա հավելեց, որ Հայաստանը եւ Վրաստանը սերտ աշխատում են՝ հույս հայտնելով, որ հայ-վրացական հարաբերությունները դրական շարժման վրա են:

ՄՈՑԻԱԼԱԿԱՆ

ՓՈՓՈԽՈՒԹՅՈՒՆՆԵՐ՝ ՀԱՄԸՆԴՆԱՆՈՒՐ ԱՌՈՂՋԱՊԱՀՈՒԹՅԱՆ ԾՐԱԳՐՈՒՄ

ԲՈՒԾՄԱՍՏԱՐԿՈՒՄՆԵՐԸ ԿՆԵՐԿԱՅԱՅՎԵՆ ԵՆԵՆՈՎ ՔԱՂԱՔԱՑԻՆԵՐԻ ԵԿԱՄՈՒՏՆԵՐԻՅ

Վրաստանի աշխատանքի, առողջապահության եւ սոցիալական պաշտպանության նախարարությունը փոփոխություններ է կատարում համընդհանուր առողջապահության ծրագրում, ըստ որի՝ ելնելով քաղաքացիների եկամտներից, սպասարկումները կֆինանսավորի պետական ապահովագրությունը:

Համընդհանուր առողջապահության ծրագրում կատարվելիք փոփոխությունների հարցով նախարար Դավիթ Սերգենյակովն հրավիրեց հատուկ ասուլիս, որտեղ ներկայացվեցին ծրագրի նորամուծությունները: Ինչպես նշեց նախարարը, հա-

մընդհանուր առողջապահության ծրագիրը կներառի վեց նպատակային խումբ: Երկրի ողջ բնակչությունը բաժանվում է վեց նպատակային խմբերի: Առաջին խմբում են մինչեւ 5 տարեկան երեխաները, ուսանողները, կենսա- (Շարունակությունը՝ 4-րդ էջում)

ՇՆՈՐԱՆԴԵՍ

ՆԵՐԿԱՅԱՑՎԵՑ ԳՅՈՒՂԱՏՆԵՍՈՒԹՅԱՆ ԶԱՐԳԱՑՄԱՆ 2017-2020 ԹՎԱԿԱՆՆԵՐԻ ՌԱԶՄԱՎԱՐՈՒԹՅՈՒՆԸ

(Սկիզբը՝ 1-ին էջում)

Վրաստանում գյուղատնտեսության զարգացման ռազմավարությունը մշակվել է երկրի կառավարության նախաձեռնությամբ, Եվրամիության (EU) և ՄԱԿ-ի երկու գործակալությունների՝ ՄԱԿ-ի զարգացման ծրագրի UNDP-ի և Գյուղատնտեսության կազմակերպության (FAO) աջակցությամբ, Եվրոպական հարեամության գյուղի և գյուղատնտեսության զարգացման ծրագրի (ENPARD) շրջանակներում:

Ինչպես նշեց գյուղատնտեսության նախարար Լեւան Դավիթաշվիլին, գյուղի զարգացման 2017-2020 թվականների ռազմավարությունում առանձնա-

վել են երեք հիմնական ուղղությունները: Դրանք են էկոնոմիկան և մրցունակությունը, սոցիալական հարցերն ու շրջակա միջավայրի պաշտպանությունը: «Այս երեք հիմնական ուղղություններն իրենց մեջ ներառում են մի շարք արձանապահ խնդիրներ, որոնք պետությունը կատարելու է համակարգված և դա կիրականացվի միջգերատեսչական համակարգման խորհրդի կողմից, որը կհաստատի հաջորդ տարիների ռազմավարության գործողության ծրագիրը, ապա կիրականացնի այդ ծրագրի կատարման մոնիտորինգը: Նշանակալից է նաև այն, որ մեր գործողություններում են ընդունած որոշումներում հաշվի կառնվեն տեղական նախաձեռնու-

թյունները»,- հայտարարեց Լեւան Դավիթաշվիլին և հավելեց, որ տեղական համապատասխան խմբեր արդեն գործում են երեք մունիցիպալիտետներում և առաջիկայում նման խմբեր կստեղծվեն մյուս երկրամասերում:

Նշենք, որ 2013-2019 թվականներին Վրաստանում եվրոպական հարեամության գյուղի և գյուղատնտեսության զարգացման ծրագրի բյուջեն կազմում էր 102 միլիոն եվրո: Ծրագրի առաջին փուլի առաջնահերթությունը գյուղատնտեսության զարգացման աջակցությունն էր, իսկ երկրորդ փուլի նպատակը՝ գյուղում ապրող մարդկանց տնտեսական զարգացման հնարավորությունների մակարդակի բարձրացումն էր:



ՄԵԾ ԲՐԻՏԱՆԻԱ Brexit-ի ՄԱՍԻՆ ՕՐԵՆՔԸ ԴԱՎԱՆՈՒԹՅԱՆ ԱՐԺԱՆԱՑԱԿ

Մեծ Բրիտանիայի Եղիսաբեթ Երկրորդ թագուհին պաշտոնապես հավանություն է տվել Brexit-ին վերաբերող օրենսդրությանը:

Այսպիսով օրենքն ուժի մեջ է մտել, և վարչապետ Թերեզա Մեյն իրավունք է ստացել միության կազմից Մեծ Բրիտանիայի դուրս գալու մասին ԵՄ-ին հարցում ուղարկել Լիսաբոնի պայմանագրի 50-րդ հոդվածին համապատասխան: Ավելի վաղ կառավարությունում հայտարարել են, որ ընթացակարգը կսկսվի մարտի վերջից ոչ շուտ:

Նշենք, որ մարտի 14-ին բրիտանական խորհրդարանը հաստատել է Brexit-ի գործընթացի գործարկման փաստաթուղթը՝ առանց ուղղումների:

ԱՐԵՎՄՏՅԱՆ ԵՎՐՈՊԱ ԼԱՐՎԱԾՈՒԹՅՈՒՆ ԹՈՒՐԻՔԻԱՅԻ ԴԵՏ

Նիդերլանդների և Թուրքիայի միջև հարաբերությունները խիստ լարվել են այն բանից հետո, երբ Նիդերլանդների կառավարությունը չեղարկեց Թուրքիայի արտագործնախարար Մեյլուք Չավուշօղլուի ինքնաթիռի վայրէջքի թույլտվությունը և արգելեց Թուրքիայում անցկացվելիք սահմանադրական հանրաքվեի քարոզարշավի շրջանակում ելույթ ունենալ իր երկրում: Ավելին, Նիդերլանդները Թուրքիայի ընտանիքի և սոցիալական հարցերով նախարարին «անցանկալի անձ» հայտարարեց ու արտաքսեց երկրից:

Ի պատասխան դրան, Չավուշօղլուն սպառնաց Նիդերլանդներին՝ ասելով, որ եթե իր թռիչքի թույլտվությունը չեղարկվի, իրենք կդիմեն պատժամիջոցների կիրառմանը: Նա երկրի կառավարության գործելաոճը «ֆաշիստական մոտեցում» էր որակել:

Թուրքիայի կողմից Նիդերլանդներին ֆաշիզմի մեջ մեղադրելու փորձերը «բացարձակապես կտրված են իրականությունից»: Այս մասին հայտարարել է Եվրոպական խորհրդի նախագահ Դոնալդ Տուսկը:

Տուսկին իր աջակցությունն է հայտնել Եվրահանձնաժողովի նախագահ Ժան Կլոդ Յունկերը, ով նշել է, որ թուրքական կողմը նման հայտարարություններով հեռու է գնում Եվրամիությանն անդամակցությունից:

Նշենք, որ Գերմանիայի Բյոլն քաղաքի իշխանությունները ևս մերժեցին Թուրքիայի պաշտոնական անձանց այդ քաղաքում հանրաքվեի քարոզչություն անցկացնելու հարցում:

ԱՐԳԵԼՎՈՒՄ Ե ԿՐՈՆԱԿԱՆ ԽՈՐՀՐԴԱՆԻՇՆԵՐԻ ԿՐՈՒՄԸ

Եվրոպայի քրեական դատարանի որոշմամբ, աշխատավայրում կրոնական խորհրդանիշների, այդ թվում՝ գլխաշորերի կրումն արգելվում է: Ինչպես հայտարարեցին դատարանում, կրոնական, ինչպես նաև փիլիսոփայական կամ քաղաքական հայացքներն արտահայտող խորհրդանիշների կրման արգելումը խտրականության նշաններ չեն բովանդակում:

«Ստահոգված ենք, քանզի գտնում ենք, որ ընդունած որոշումը մահմեդական կանանց կկանգնեցնի կրոնական հայացքների և աշխատատեղի միջև ընտրության առջև»,- դատարանի ընդունած որոշման կապակցությամբ նշված է «Եվրոպայի կանայք ռասիզմի դեմ» կազմակերպության հայտարարության մեջ:

ՄՊԱՌՈՂԱԿԱՆ ՇՈՒԿԱ

ՈՉԽԱՐԻ ՄՍԻ ԳԻՆԸ ԿՐԿՆԱՊԱՏԿՎԵԼ Է



Նախորդ տարվա համեմատությամբ, Վրաստանում ոչխարի գինը կրկնապատկվել է, ինչը պայմանավորված է այդ անասունների պակասորդով:

որ միջնորդները կրկին ակտիվություն են ցուցաբերում, սակայն վաճառքի ենթակա անասուն գրեթե չի մնացել: Սկսած անցյալ տարվա աշնանից, արտահանվել է ավելի քան 2 հազար գլուխ ոչխար: Ներկայումս սպասվում են ոչխարի մոտ 250 հազար ծին, ինչը կարող է նշանակալիորեն կարգավորել ոչխարի պակասորդի հետ կապված հիմնախնդիրը:

Արտահանման համար պատրաստ վրացական ոչխարի գինը տատանվում է 180-220 լարիի շրջանակներում, այն դեպքում, երբ անցյալ տարի այն

կազմում էր 90-100 լարի: Այսինքն, վերջին մեկ տարվա ընթացքում դրա գինը գրեթե կրկնապատկվել է: Շուկայում ոչխարի արտահանման հետ կապված միտումը ակնհայտորեն փոփոխված է, ինչը նշանակում է, որ դա ժամանակավոր երեւույթ է: Ոչխարի նկատմամբ պահանջարկը առանձնակի մեծանում է Ասիայի երկրներում: Մասնավորապես, Ադրբեյջանում տասը օրվա ընթացքում իրացվեց 250 հազար ոչխարի միս: Դա մոտավորապես այն քանակությունն է, ինչի արտահանման հնարավորություն ունի Վրաստանը: Իրանում ոչխարի գլխաքանակը կազմում

էթե նախորդ տարվա դեկտեմբերի սկզբին մեկ կիլոգրամ ոչխարի մսի գինը արժեք 8 լարի, ապա այն հիմա կազմում է 15 լարի: Դա պայմանավորված է մսի այդ տեսակի արտահանման ծավալների մեծացման հետ: Վրացական ոչխարի մեծ պահանջարկ է վավերացվել Իրանում և Իրաքում:

Ոչխարաբուծության ոլորտի մասնագետները նշում են,

ԻՐԱՂԱՐՁՈՒԹՅՈՒՆ

ԱՆԿԱՐԳՈՒԹՅՈՒՆՆԵՐ ԲԱԹՈՒՄԻՈՒՄ

(Սկիզբը՝ 1-ին էջում)

րի հետ: Ոստիկանությանը դիմադրություն ցույց տալու համար բերման է ենթարկվել վեց մարդ: Միջադեպից քիչ անց, բողոքի ակցիա է սկսվել պարեկային ոստիկանության նորանշանակ պետ Մալխազ Բատիաշվիլիի պաշտոնաթողության պահանջով: Քաղաքում անցկացվել է անկարգությունների մասնակիցների ձերբակալման գործողություն: ՆԳ նախարարության տվյալներով, բերման է ենթարկվել 40 իրավախախտ:

Վրաստանի ՆԳ նախարար Գիորգի Մղեբրիշվիլին հայտարարել է, որ դատարանը վարչական կալանքի է դատապարտել այն 40 անձանցից յոթին, որոնք բերման են ենթարկվել Բաթումիում տեղի ունեցած անկարգությունների կապակցությամբ:

«Խստիվ պատժվելու է յուրաքանչյուրը, ով մասնակցել է դրանց: Կատարվում է անձանց նույնականացում, քրեական գործ է հարուցված և հետաքննություն է սկսվել: Ներկայումս յոթ մարդ է ձերբակալված վարչական խախտման

համար, բերման ենթարկված 40 անձանցից մնացածները ազատ են արձակվել ստորագրությամբ, սակայն նրանց նկատմամբ վարչական վարույթը դադարեցված չէ, և նրանք անպայմանորեն կկանգնեն դատարանի առաջ: Անհրաժեշտ է սպասել հետաքննության արդյունքներին»,- հայտարարել է նախարարը:

Աջարիայի կառավարության ղեկավար Զուրաբ Պատարածեն հայտարարել է լույս մարտի 12-ի գիշերը Բաթումիում տեղի ունեցած անկարգությունների հետևանքով առաջացած նշանակալի վնասների մասին:

«Նվազագույնը տասը ավտոմեքենա է այրվել անկարգությունների վայրում, վնասված է ենթակառուցվածքը»,- ասաց նա:

Նրա խոսքով, Բաթումիի քաղաքապետարանը ներկայումս զբաղվում է քաղաքին հասցված վնասի հաշվարկով: «Ստեղծված է հատուկ հանձնաժողով, և մոտ ժամանակում մենք կիմանանք վնասի ճշգրիտ չափերը»,- նշել է Պատարածեն:

Աջարիայի պարեկային ոստիկանու-



թյան գլխավոր վարչության պետ Կախա Բուխրաձեն, մեղադրանքները «զրպարտչական» անվանեց, իբր Աջարիայի տարածաշրջանի բնակիչներին ինքը «թաթար» է անվանել: Կախա Բուխրաձեն Բաթումիի բնակիչների որոշակի հատվածի կողմից իրեն ներկայացրած մեղադրանքի կապակցությամբ հայտարարեց. «Ընդհանրապես չեն պատկերացնում, թե մարդկանց մոտ ինչպես կարող էր ծագել նման միտք: Չեղարկեմք, այդ հարցով ոչ մի մեկնաբանություն և, բնականաբար, արդարացում չպետք է ներկայացնեն, դա զրպարտչություն է»,- հայտարարեց Կախա Բուխրաձեն:

ԳԻՈՐԳԻ ԿՎԻՐԻԿԱՆՎԻԼԻ. «ՎՐԱՑԱԿԱՆ ՊԵՏՈՒԹՅՈՒՆԸ ՑՈՒՑԱԴՐԵՑ ԻՐ ՄԱՐԴԿԱՅԻՆ ԴԵՄՔԸ»

(Սկիզբը՝ 1-ին էջում)

ձակապես այլ գաղափարներով, և այսօր պետությունը կառուցվել է բացարձակապես այլ հիմունքներով:

Գիորգի Կվիրիկաշվիլին արձագանքեց նաև այն մեղադրանքներին, որոնք հնչեցին իշխանության հասցեին: Նրա խոսքով, անձամբ պատասխանատվություն է ստանձնում պետության համապատասխան արձագանքման համար՝

չպետի հավաստմամբ, երկիրը պահպանեց կայունությունը՝ առանց մարդկանց խոշտանգման և հատուկ ծառայությունների օգտագործման: Թեպետ, ինչպես նշեց վարչապետը, տեղի ունեցածում ակնհայտորեն երեւում են կազմակերպիչները: «Դա ազգային շարժման մի մասն է, որը հրահրում էր մարդկանց, շահարկելով մարդկային զգացումները»:

Պատրաստեց ԱՐԵՎԻԿԱ ՄԱՆՈՒԿՅԱՆԸ

Շարաքից շարաք. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՍԱՀՄԱՆԱԴՐԱԿԱՆ

ԹՈՒՅԼԱՏՐԵԼԻՒՄ Է, ԱՐԴՅՈՔ, ՕՏԱՐԵՐԿՐԱՑԻՆԵՐԻ ԿՈՂՄԻՅ ՆՈՂԱՏԱՐԱԾՔԻ ԳՆՈՒՄԸ


Սահմանադրական հանձնաժողովի անդամները կրկին անգամ քննարկեցին գյուղատնտեսության նշանակության հողերը օտարերկրացիներին վաճառելու հարցը, թեպետ այս անգամ էլ կոնկրետ որոշման չհանգեցին:

Հանձնաժողովի անդամները չեն կարողանում համաձայնության հասնել այն հարցում, թե ընդհանրապես արգելվելու է արդյոք, օտարերկրացիներին հողատարածքների վաճառումը: Տարածայնություններ է առաջացնում նաև վերոնշյալ փոփոխությունները

ընդ սահմանադրությունում գրանցելու հարցը: Հատկանշական է, որ վերոնշյալ հարցի առթիվ ներկայացվել են մի քանի նախաձեռնություններ: Իրենց առաջարկություններն են ներկայացրել «Վրացական երազանքը», «Ժողովրդավարական շարժումը»

եւ «Հայրենասերների այլանաբ»: Ըստ ներկայացված նախաձեռնությունների, օտարերկրյա քաղաքացիներին եւ քաղաքացիություն չունեցող անձանց գյուղատնտեսական նշանակության հողերի վաճառքը պետք է արգելվի: Դրան կտրականապես դեմ է ընդդիմության մի մասը, ինչպես նաև ոչ կառավարական առանձին կազմակերպությունների ներկայացուցիչները:

ՍԻՄՈՆ ԿԻԼԱԶԵ



ՆԵՐԿՎՈՒՄ ԵՆ ՀԱՐԿԱՅԻՆ ՆՈՐ ԿԱՐԳՎՈՐՈՒՄՆԵՐ

Ընթացիկ տարվա մարտի 16-ից հարկային սպասարկման գործակալները կգրանցվեն Վրաստանի Ազգային բանկի նախագահի կարգադրությամբ հաստատված նոր կարգով: Նոր կարգը մի կողմից սահմանում է նոր մոտեցումներ սպառողների իրավունքների պաշտպանության տեսանկյունից, մյուս կողմից՝ սահմանում է գործակալների գրանցման եւ կարգավորման իրավական շրջանակները:

Սպառողների իրավունքների պաշտպանության նպատակով գործակալներին սահմանված է կարգ սպառողների բողոքների ընդունման եւ դրանց քննարկման ժամկետների մասին: Մասնավորապես, ներկայացված բողոքի քննարկման համար սահմանվել է առավելագույնս յոթ աշխատանքային օր: Փաստաթուղթը նախատեսում է նաև պահանջներ սպառողների դրամական միջոցների ներդրման եւ պաշտպանության, հարկային սպասարկումների կատարման ժամանակ գործակալների օգտագործման եւ միջնորդ ընկերություններին գործառույթների անցկացման իրավասության հանձնման կարգը:

ՋՈՐԱԿՈՉԱՅԻՆՆԵՐԻՆ ԿՏՐԿԵՆ ՀԱՆԳՍՏՅԱՆ ՕՐԵՐ ԵՎ ԱՐՁԱԿՈՒՐԴ

Վրաստանի խորհրդարանի բյուրոն գրանցել է «Ձինծառայողի կարգավիճակի մասին» օրենքում փոփոխությունը, ըստ որի գորակոչայիններին կտրվեն հանգստյան օրեր եւ արձակուրդ:

Վերոնշյալ փոփոխությունը հանդիսանում է Վրաստանի պաշտպանության նախարարության բարեփոխման հատվածը, որը նախատեսում է գորակոչման համակարգի փոփոխություն եւ նախնական զինպատրաստության եռամսյա դասընթացի ներդրում: Դասընթացն անցնելուց հետո գորակոչայինները կհամարվեն լիարժեք զինծառայողներ:

Ներկայացված փոփոխությունների համաձայն, նախնական զինպատրաստության դասընթացին գորակոչայինները կունենան հանգստյան երեք շաբաթ եւ երեք կիրակի օրեր, իսկ դասընթացի ավարտից հետո՝ յուրաքանչյուր հանգստյան օր: Միակ բացառությունը կկազմի հանգստյան օրերին գորավարժությունների, պահակային ծառայության կամ կարգապահական նկատողության համընկնումը:

Նախնական զինպատրաստություն անցնելուց հետո, գորակոչայիններին կտրվի 15-օրյա արձակուրդի իրավունք, որը կարող է երկարաձգվել, ելնելով ընտանեկան հանգամանքներից կամ հարգելի պատճառով:

Յիշեցնենք, որ Վրաստանի զինված ուժերում պարտադիր զինծառայության ժամկետը կազմում է մեկ տարի:

ՏԱՐԱԴՐԱՄԻ ՓՈԽԱՆԱԿԱՆ ԿՈՒՐՍԸ (17 մարտի)

Ազգային բանկի կողմից սահմանվել է տարադրամի հետեւյալ կուրսը:

Table with 3 columns: Currency, Buy rate, Sell rate. Rows include USD, EUR, RUB, GEL.

Մարտի 10-ի համեմատությամբ, դոլարի կուրսը նվազել է 0,025 լարիով:

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՏԱՐԱԾԱՇՐՋԱՆԱՅԻՆ ՀԱՆԴԻՊՈՒՄ ՀԱՐԿԱՅԻՆ ՎԱՐՉՈՒԹՅՈՒՆՈՒՄ



ՅՈՅՈՒՆԵՍԿՈՅԻ ՆԱԾՆՆԵՐՈ



Մարտի 15-ին, Վրաստանի ֆինանսների նախարարության եկամուտների ծառայության աշակցությամբ, Թբիլիսիում աշխատանքն սկսեց հարկային վարչությունների ներկայացուցիչների կազմակերպությունների (IOTA) հարկային վարչությունների կոնսուլտային անձանց հերթական 24-րդ խորհրդաժողովը: Միջոցառմանը մասնակցում էին կազմակերպության 36 անդամ երկրների 50 ներկայացուցիչներ:

Վրաստանի ֆինանսների նախարարի առաջին տեղակալ, եկամուտների ծառայության պետ Գիորգի Թաբուաշվիլին: Նա խոսեց հարկային ոլորտում կատարած բարեփոխումների մասին, առանձնակի ընդգծեց մասնագիտական փորձի յուրացման տեսանկյունից Վրաստանի եւ IOTA կազմակերպության միջեւ հաջող համագործակցությունը:

Նշենք, որ մեր եվրոպական կազմակերպությունն ընդգրկում է 46 երկրներ: Վրաստանը այդ կազմակերպության անդամ է դարձել 2004 թվականին:

ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

Խորհրդաժողովը աշխատանքային երկու օրվա ընթացքում քննարկեց այնպիսի նշանակալից հարցեր, ինչպիսիք էին անմիջականորեն կազմակերպության աշխատանքի յուրահատկությունը, կազմակերպության բյուջեի բաշխումը, անդամ երկրների կողմից հաշվետվության ներկայացման կարգը, կազմակերպության գործունեությունում այլ վարչությունների ներգրավման որակի գնահատումը, տեղեկատվության մատչելիությունը եւ այլն:

Միջոցառմանը մասնակիցներին ողջույնի խոսքով դիմեց

ԲՈՒՆԱԶԱՎԹԱԾ ՏԱՐԱԾՔ

«ԸՆՏՐՈՒԹՅՈՒՆՆԵՐ» ԱՔԻՄԱԾԻԱՅԻ ԻՆԲԵՆԱՉՈՉԱԿ ՀԱՆՐԱՊԵՏՈՒԹՅՈՒՆՈՒՄ

Մարտի 12-ին ինքնահռչակ Աբխազիայի Հանրապետությունում անցկացվեցին այսպես կոչված խորհրդարանական ընտրություններ:

Ինչպես տեղեկացրել է այսպես կոչված Կենտրոնական ընտրական հանձնաժողովը, 35 ընտրատարածքներից 22-ում տեղի կունենան ընտրությունների երկրորդ փուլը, եւս մեկ ընտրատարածքում կանցկացվեն վերընտրություններ:

«Առաջմ ընտրվել են տասներկու պատգամավորներ: Երկրորդ փուլը մարտի 26-ին կանցկացվի 22 ընտրատարածքներում, մեկ ընտրատարածքում երկու ամիս անց՝ տեղի կունենան վերընտրություններ»,- հայտնել են ԿԸՀ-ում:

Միապալատ օրենսդրական մարմնում տեղերի համար 35 միանձնատ ընտրատարածքներում պայքարում էին 137 թեկնածուներ:

Ընտրություններին մասնակցում էին կառավարող «Աբխազիայի ժողովրդական միասնության համաժողովը», ընդ-

դիմադիր «Անցախարան» եւ «Աինար» ու «Ժողովրդական ճակատ» հանուն արդարության եւ զարգացման» կենտրոնանտ կազմակերպությունները:

Առաջին փուլի արդյունքներով, արդեն ընտրված 13 պատգամավորների թվում են արխազահայեր Լեւոն Գալստյանն ու Աշոտ Մինասյանը: Ընտրությունների երկրորդ փուլին մասնակցելու իրավունք են ստացել եւս երեք արխազահայեր՝ Էրիկ Ռշտունին, Գալուստ Տրապիզոնյանն ու Լեւոն Դաշչյանը:

ԻՐԱՎԻՃԱԿ

«ՉՆԱՅԱԾ ՀԱՅՏԱՐԱՐՈՒԹՅԱՆԸ, «ՄԱԳՂՈՆԱԼԴԱԸ» ՀԱՅԱՍՏԱՆՈՒՄ ՌԵՍՏՈՐԱՆ ԲԱՅԵԼՈՒ ՄՏԱԳՐՈՒԹՅՈՒՆ ԳՈՒՆԻ»

«Հայաստանում «Մագղոնալդա» ռեստորան բացելու մտադրություն չունի»՝ նման վերնագրով հոդվածներ են տպագրվել հայկական մամուլում:

Հայաստանյան լրատվամիջոցները ակտիվորեն քննարկում են մի քանի շաբաթ առաջ վրաց գործարար Թեմուր ճղոնիայի «Մագղոնալդա» կողմից Հայաստանում ռեստորաններ բացելու հայտարարությունը: Իր խոսքում,

ճղոնիան նշել է, որ ինքը ստացել է Հայաստանում «Մագղոնալդա» ցանց բացելու հավաստագիր: Հարցի հստակեցման համար իրենք դիմել են Եվրոպայի կենտրոնական գրասենյակ, որտեղ «Մագղոնալդա» ռեստորանի բաց-

ման փաստը չեն հաստատել: - «Մագղոնալդա» ստուգում եւ վերլուծում է տնտեսական ու գործարար արդյունավետությունը, թե որքանով իրեն կարողարացնի նոր շուկայի իրացումը եւ նոր երկրում գործարարություն սկսելը: Տվյալ պահի դրությամբ, Հայաստանում ռեստորան բացելու մասին չենք մտածում,- հայկական գործակալությամ-

ընց հայտարարել են «Մագղոնալդա» Եվրոպական կենտրոնական գրասենյակում:

Այդ լրատվամիջոցների տեղեկատվությամբ, «Մագղոնալդա» պաշտոնապես դիմել է նաեւ Հայաստանի Էկոնոմիկայի նախարարությանը: Ինչպես տեղեկացրել է գերատեսչության մամուլ խոսնակը, ընկերությունը Հայաստանի շուկա մուտք գործելու փաստը չի հաստատել:

ԹԵՄՈՒ ՃԴՈՆԻԱ. «ՀԱՅԱՍՏԱՆԻՆ «ՄԱԳՂՈՆԱԼԴԱԸ» ԱՆՅՐԱԺԵՇՏ Է»

Արձագանքելով Հայաստանում «Մագղոնալդա» ցանցի բացման կապակցությամբ հայկական լրատվամիջոցներում տարածված տեղեկատվությանը՝ գործարար Թեմուր ճղոնիան նշեց, որ ներկա փուլում իրենք երեւանում ռեստորանի համար տեղ են որոնում:

Նրա պարզաբանմամբ, Հայաստանին «Մագղոնալդա» անհրաժեշտ է, եւ այդ հարցով իր հետ կապվել են հայկական լրատվամիջոցների ներկայացուցիչները: - Եթե երեւանում հարմար տեղ գտնենք, ապա կկառուցենք «Մագղոնալդա»

սը», եթե չգտնենք, ապա չենք կառուցի: Ինչ վերաբերում է հավաստագրին, ապա բոլոր երկրներում ընդունված կարգ է, որ նախ պետք է հստակեցվի նախագծի հարմար վայրը, եւ ապա «Մագղոնալդա» կներկայացնի դրա շինարար-

ության հաստատումը:

Վրաստանում կառուցվել է «Մագղոնալդա» 12 ռեստորան, եւ եւս կենտրոնական գրասենյակի հետ անհարթություններ չունեն: Վայրը, որն առաջարկվել են, դուր չի գալիս: «Մագղոնալդա» արժանի է ավելի լավ վայրի: Հետո կգնանք քաղաքապետարան են կներկայացնենք նախագիծը: Եթե նրանք համաձայնվեն, ապա կկառուցենք,- հայտարարեց Թեմուր ճղոնիան:

ՍՈՑԻԱԼԱԿԱՆ

ՓՈՓՈԽՈՒԹՅՈՒՆՆԵՐ` ՀԱՄԵՆՆԱԿՈՒ ԱՌՈՂՋԱԿԱՆՈՒԹՅԱՆ ԾՐԱԳՐՈՒՄ

(Սկիզբը` 1-ին էջում)

թոշակառուները, սահմանափակ հնարավորություններ ունեցող անձինք, մանկավարժներն ու սոցիալապես անպաշտպանները, երկրորդ խումբն ընդգրկում է բարձր եկամուտ ունեցող քաղաքացիներին, երրորդը` միջին եկամուտով քաղաքացիներին, չորրորդ խմբում ընդգրկված են վարկանիշային 770 հազարից մինչև 100 հազար միավոր ունեցող քաղաքացիները: Հարյուր երկու խմբերում ընդգրկված են 6-ից մինչև 18 տարեկանները եւ ցածր ու անկայուն եկամուտ ունեցող քաղաքացիները:

Նպատակային խմբում ընդգրկված է մոտ 1,7 միլիոն քաղաքացի: Նրանց համընդհանուր առողջապահության շրջանակներում տրվող սպասարկումները մնում են անփոփոխ: Այն նախատեսում է ընտանեկան բժշկի, ամբուլատորային սպասարկման, անհետաձգելի դեպքերի բուժման եւ ծրագրված վիրահատությունների ֆինանսավորումը: Բարձր եկամուտ, տարեկան ավելի քան 40 հազար լարիից ավելի եկամուտ ունեցող անձինք չեն կարողանա օգտվել պետական պահովագրությամբ նախատեսված բժշկական սպասարկումներից: Այդ խմբում ընդգրկված շուրջ 32 հազար քաղաքացիներ կկարողանան օգտվել համընդհանուր առողջապահության ծրագրի կողմից ներկայացվող մյուս ծառայություններից: Օրինակ` Ը հեսպալիտի բուժման ծրագրից, ծննդաբերության եւ կեսարյան հատումով ծննդաբերությունների ֆինանսավորումից: «Անձը կարող է ունենալ բարձր եկամուտ, սակայն ընտանիքում կարող են լինել շատ անդամներ, ովքեր ոչ մի եկամուտ չունեն, կամ ընտանիքում լինեն երեխաներ ու կենսաթոշակառուներ: Նրանք ստիպված կլինեն ունենալ մասնավոր ապահովագրություն, սակայն, եթե նման անձն ունի մինչև 1 կեց տարեկան երեխա, ապա, նրան

վերապահվում է համընդհանուր առողջապահության ծրագրից օգտվելու իրավունք: Եթե նա ունի կենսաթոշակառու ծնողներ, ապա նրանց համար էլ վերոնշյալ սպասարկումը կպահպանվի»,- հայտարարեց Դավիթ Սերգեյենկոն:

Նախարարի հավաստմամբ, միջին եկամուտով վրաստանի քաղաքացիների թիվը կազմում է մոտավորապես 300 հազար մարդ: Դրանք այն քաղաքացիներն են, ում ամսական աշխատավարձը տատանվում է 900-ից մինչև 3700 լարի եւ, ում տարեկան եկամուտը չի գերազանցում 40 հազար լարին: Նրանց անհետաձգելի ստացիոնար բուժումը, նախկին 100-ի փոխարեն, կֆինանսավորվի 90 տոկոսով: Ծրագրված ստացիոնարը, եթե ծախսերը կազմում են մինչև հազար լարի, կֆինանսավորվեն 70 տոկոսով, հազար լարիից ավելի ծախսի դեպքում` դրանք չեն ֆինանսավորվի: Նրանք զրկվում են միաժամանակ մասնավոր եւ պետական ապահովագրական սպասարկումներից օգտվելու իրավունքից:

Ցածր եւ ոչ կայուն եկամուտներով քաղաքացիները, անչափահասները, ամսական 900 լարիից նվազ եկամուտով քաղաքացիները եւ աշխատանքով ինքնապահովված քաղաքացիները, ովքեր կազմում են 1 միլիոն 154 հազար մարդ, անհետաձգելի ամբուլատորային սպասարկման 100 տոկոսի դիմաց կֆինանսավորվեն 50 տոկոսով: Նրանց համար անփոփոխ է մնում ամբուլատորային ծրագրված եւ անհետաձգելի ստացիոնար բուժումը: Ծրագրված ստացիոնար բուժումը կֆինանսավորվի այն դեպքում, եթե ծախսերը չեն գերազանցում 500 լարին: Բացի այդ, այդ խմբի ներկայացուցիչները կարող են միաժամանակ օգտվել համընդհանուր



Վրաստանի վարչապետի տեղակալ Դավիթ Սերգեյենկոն:

առողջապահության եւ մասնավոր ապահովագրության փաթեթով նախատեսված սպասարկումներից:

Ինչ վերաբերում է այն քաղաքացիներին, ովքեր գրանցված են սոցիալապես անպաշտպանների ռեեստրում եւ ունեն 70 հազարից մինչև 100 հազար վարկանիշային միավոր, իսկ նմանների թիվը կազմում է 102 հազար մարդ, ապա, նրանց համար համընդհանուր առողջապահության ծրագրով նախատեսված բոլոր սպասարկումները լրիվությամբ պահպանվում են: Միաժամանակ, նրանց վերապահվում է համընդհանուր առողջապահության ծրագրով եւ մասնավոր ապահովագրության փաթեթով սպասարկումներից միաժամանակյա օգտվելու իրավունք:

6-ից մինչև 18 տարեկան անչափահասների համար, որոնց թիվը Վրաստանում կազմում է 503 հազար, համընդհանուր առողջապահության ծրագրով սահմանված բոլոր սպասարկումները մնում են անփոփոխ: Նրանց շնորհիվ է նաեւ համընդհանուր առողջապահության ծրագրով եւ մասնավոր ապահովագրական փաթեթով նախատեսված սպասարկումներից միաժամանակյա օգտվելու իրավունք:

Ինչպես նշեց նախարարը, ծննդաբերության եւ կեսարյան հատումով ֆինանսավորումը, անկախ սոցիալական պատկանելության, բարձր եւ միջին եկամուտ ունեցողների եւ աղքատների համար կպահպանվի առանց բացառության:

ՍԻՄՈՆ ԿԻՆՁԵ

ԶԳՈՒՇԱՅՈՒՄ

ՈՒՉԱ ՆԱՆՈՒԱՇԿԻԼԻ. «ՄԵՐ ՀՈՒԿԱՅՈՒՄ ՎԱՃԱՌՎՈՂ ԽՆԱՂԱՒՔՆԵՐԸ ՎՏԱՆՊԱՎՈՐ ԵՆ ԵՐԵՒԱՆՆԵՐԻ ՀԱՄԱՐ»

Վրաստանի ժողովրդական պաշտպանը հանձնարարականով դիմել է երկրի կառավարությանը` Վրաստանի շուկայում գտնվող խաղալիքների եւ անչափահասների առողջության պաշտպանության նպատակով միջոցառումների անցկացման կապակցությամբ:

Ինչպես նշված է ժողովրդական պաշտպանի աշխատակազմի հայտարարության մեջ, հայտնի է դարձել, որ «Վրաստանի ռազմավարական հետազոտությունների եւ զարգացման կենտրոնը Թբիլիսիի խանութներում գնված տասը անուն տիկնիկները, ստուգման համար, խաղալիքների անվտանգության ուսումնասիրության Գերմանիայում հավաստագրված լաբորատորիա է ուղարկել: Ստացված պատասխանների համաձայն, տասը տիկնիկներից ինը պարունակում են առողջության համար վտանգավոր նյութեր:



Եւ ազգային օրենսդրությունը սահմանում են պետության դրական եւ բացասական պարտավորությունները իրականացնելու արդյունավետ միջոցներ անչափահասների առողջության եւ կյանքի պաշտպանության համար, իսկ վերահսկողության բացակայությունը հնարավոր է սպառնալիքներ ստեղծի վերոնշյալ հարցում:

Վրաստանի ժողովրդական պաշտպանը դիմում է երկրի կառավարությանը` արձագանքելու Վրաստանի ռազմավարական հետազոտությունների եւ զարգացման կենտրոնի կողմից անցկացված ուսումնասիրությունների արդյունքներին, կատարելու գործունե քայլեր` շուկայում վերահսկողության հաստատման տեսանկյունից, եւ մինչև 2019 թվականը կիրարկել խաղալիքների անվտանգության մասին հիմնադրույթի պահանջները»,- ասված է ժողովրդական պաշտպանի աշխատակազմի հայտարարության մեջ:

Հարկ է նշել, որ միջազգային իրավական ակտերը

ԱՐԵՎԻԿԱ ՍԱՆՈՒԿՅԱՆ

ՀՐԱՏԱՊ ԹԵՄԱ

ԵՌԱՊԱՏԿՎԵԼ Է ՀԻՔՐԻԴԱՅԻՆ ՄԵՔԵՆԱՆԵՐԻ ՊԱՅՄԱՆԱՐԿԸ



Ինչպես արդեն հաղորդել ենք, ընթացիկ տարվա հունվարի 1-ից կտրուկ ավելացվեցին ներկրվող մեքենաների մաքսազերծման սակագները: Ավելացումն ավելի քան նշանակալից էր, ծախսողի մեքենաների մաքսազերծման արժեքը կրկնապատկվեց, իսկ աջադեղերինը` հնգապատկվեց: Ներկա դրությամբ, ավտոմոբիլային շուկայում ստեղծված իրավիճակի հարցով մենք դիմեցինք ավտոմեքենաների ներկրմանը զբաղված «Կավկասուս մոտորս» ընկերության ղեկավար Գիորգի Սուրգուլաձեին:

- Բատոն Գիորգի, ինչպես հայտնի է, հունվարի 1-ից ավտոմեքենաների մաքսազերծման սակագները կտրուկ ավելացվեցին, թեպետ նշվում է, որ մինչև յոթ տարվա թողարկված մեքենաների մաքսատուրքը գրեթե չի փոխվել: Բացի այդ, նվազեցվել են հիբրիդային մեքենաների մաքսազերծման սակագները: Չե՞ր կարծիքով, վերոնշյալ փոփոխությունների արդյունքում ի՞նչ փոփոխություններ կարող են իրականացվել Վրաստանի ավտոմոբիլային շուկայում:

- Ընդհանուր առմամբ, մաքսազերծման սակագների ավելացումը, անկասկած, դրական երեւույթ է, քանի որ այն կարող է հանգեցնել երկրում ավտոպարկի երիտասարդացմանը: Դրա արդյունքում, մի քանի տարի հետո, Վրաստանի ավտոմոբիլային պարկում կստեղծվի հարեւան երկրների նման իրավիճակ: Բացառված չէ, որ մեծանա նաեւ վերաարտահանման ծավալը, ներկրողներն արդեն հատուկ մեքենաներ չեն ներքերի տեղական շուկայի համար: Վերաարտահանման համար նրանք ստիպված կլինեն դուրս գրել համեմատաբար նոր ավտոմեքենաներ, որոնք հնարավոր կլինի իրացնել ինչպես երկրի ներսում, այնպես էլ` նրա սահմաններից դուրս:

Եվս մեկ դրական հանգամանք, որ սակագների ավելացման պայմաններում, բացառված չէ, հիբրիդային մեքենաների պահանջարկի ավելացումը, ինչը դրական ազդեցություն կգործի մեր քաղաքների էկոլոգիական

վիճակի վրա: Գործնականում գրեթե լրիվությամբ կդադարեցվի Վրաստան հին եւ աջադեղ մեքենաների ներկույնը: Մյուս կողմից, դա որոշակիորեն կնվազեցնի երկրից դուրս արտահոսքը, ինչը զգալիորեն կկայունացնի ազգային տարադրամը:

Ինչ վերաբերում է ներկրողներին, ապա, հիմնականում լուրջ խնդիրներ կծագեն նրանց առջեւ, ովքեր մեքենաներ են ներկրում ճապոնիայից, իսկ նրանք, ովքեր աշխատում են Եվրոպայի եւ ԱՄՆ-ի ուղղությամբ, հեշտությամբ կարող են հարմարվել նոր պայմաններին: Այնպես որ, ճապոնիայից ներկրողները ստիպված կլինեն դադարեցնել գործունեությունը կամ վերափոխվեն ԱՄՆ-ի եւ Եվրոպայի ուղղությամբ:

- Ինչպես նշվեց, բոլորից շատ ավելացավ աջադեղ մեքենաների մաքսազերծման սակագինը: Այլընտրանքային ի՞նչ հնարավորություններ կան էժան ավտոմեքենաների ձեռքբերման համար: Որքանո՞վ է իրատեսական, համեմատաբար ցածր գներով ծախսողի որակյալ մեքենաների ձեռքբերումը:

- Ցավոք, նախորդ գներով ներկայումս մեքենա գնելը հնարավոր չի լինի: Թեպետ կլինեն էժան հիբրիդային մեքենաներ, որոնք նշանակալիորեն թանկ են, սակայն համեմատաբար մատչելի կլինեն միջին գներովների համար:

- Իսկ ի՞նչ փոփոխություններ կլինեն ներկրման կառույցում, ո՞ր մեքենաները կարող են փոխարինել աջադեղերին:

- Արդեն այսօր կտրուկ աճել է հիբրիդային եւ էլեկտրամոբիլների պահանջարկը: Մասնավորապես, մաքսազերծման սակագների ավելացման պահից մեր ընկերությունում կտրուկ աճեց հիբրիդային մեքենաների պատվերների թիվը: Եթե մինչ այդ ընկերությանը ներկայացնող պատվերների թվում հիբրիդայինների բաժինը կազմում էր 20 տոկոս, ապա ներկայումս հասել է 70 տոկոսի: Նշանակալիորեն աճել է նաեւ էլեկտրամոբիլների պատվերների թիվը:

- Հատկանշական փաստ է. էլեկտրամոբիլների մաքսազերծման սակագինը գրոյական է, սակայն այդ մեքենաները Վրաստանում լայն ընդունելության չեն արժանացել: Չե՞ր կարծիքով, ինչո՞վ է դա պայմանավորված. մեքենաների բարձր գնով, թե՞ մեր բնակչության մտածելակերպով:

- Չեմ կարծում, որ դա կախված է մտածելակերպից: Կարծում եմ, խնդիրը բարձր գինն է, թեպետ կան նաեւ էժան էլեկտրամոբիլներ: Տվյալ պարագայում զլխավոր հիմնախնդիրը համապատասխան սպասարկման եւ պահեստային դետալների անբավարարությունն է: Եթե Վրաստանում շարքից դուրս գա թեկուզեւ էլեկտրամոբիլի անշան դետալը, ապա դա փոխարինել հնարավոր չի լինի:

- Ինչպե՞ս արձագանքեց Ձեր ընկերությունը սակագների ավելացմանը, ի՞նչ ռազմավարություն եք մշակել նոր պայմաններին հարմարվելու համար:

- Մենք մեքենաներ ենք ներկրում ինչպես ճապոնիայից, այնպես էլ` Եվրոպայից ու Ամերիկայից: Հետեւաբար, նոր պայմանները մեզ համար առանձնակի հիմնախնդիրներ չեն առաջացնում, թեպետ, բնականաբար, ռազմավարական փոփոխություններ իրականացրել ենք:

ՅՈՒՐԻ ԽՈՐԵՆՅԱՆ